



স্কুল ব্যাগের ওজন কমানো স্কুল ব্যাগের ওজন কমানোর জন্য সরকার বইগুলোকে দুই ভাগে ভাগ করা সহ বেশকিছু পরামর্শ পেয়েছে। এক্ষেত্রে বেশকিছু পদক্ষেপ ইতোমধ্যেই গ্রহণ করা হয়েছে

Posted On: 26 JUL 2017 12:37PM by PIB Kolkata

স্কুল ব্যাগের ওজন কমানোর জন্য সরকার বইগুলোকে দুই ভাগে ভাগ করা সহ বেশকিছু পরামর্শ পেয়েছে। এক্ষেত্রে বেশকিছু পদক্ষেপ ইতোমধ্যেই গ্রহণ করা হয়েছে এবং বিভিন্ন সংস্থা ও প্রতিষ্ঠান এক্ষেত্রে যেসব উদ্যোগ গ্রহণ করেছে, মন্ত্রক সেগুলোরও সমন্বয় করেছে। সোমবার লোকসভায় এক প্রশ্নের লিখিত উত্তরে কেন্দ্রীয় মানব সম্পদ উন্নয়ন মন্ত্রকের প্রতিমন্ত্রী শ্রী উপেন্দ্র কুশওয়াহা একথা জানিয়েছেন। তিনি জানান, যেসব উদ্যোগ গৃহীত হয়েছে, সেগুলোর মধ্যে রয়েছে:

১) শিক্ষা গবেষণা ও প্রশিক্ষণের জাতীয় পরিষদ (এন.সি.ই.আর.টি.) প্রথম ও দ্বিতীয়শ্রেণীর ছাত্রছাত্রীদের জন্য শুধুমাত্র দু'টো বইয়ের (ভাষা ও অঙ্ক) এবং তৃতীয় থেকে পঞ্চম শ্রেণীর ছাত্রছাত্রীদের জন্য তিনটি বইয়ের (ভাষা, পরিবেশ বিজ্ঞান ও অঙ্ক) প্রস্তাব করেছে। এন.সি.ই.আর.টি. তাদের সমস্ত পাঠ্যবই ওয়েব (epathshala.nic.in) এবং মোবাইল ডিভাইসের মাধ্যমে বিনামূল্যে পাওয়ার সুযোগ করে দিয়েছে।

২) কেন্দ্রীয় মধ্যশিক্ষা পর্ষদ (সি.বি.এস.ই.) দ্বিতীয় শ্রেণী পর্যন্ত ছাত্রছাত্রীরা যাতে স্কুল ব্যাগ বহন না করে, তা সুনিশ্চিত করার জন্য তাদের স্বীকৃত বিদ্যালয়গুলোকে নির্দেশ দিয়েছে। গত ১২ সেপ্টেম্বর ২০১৬ তারিখে দেওয়া তাদের বিজ্ঞপ্তিতে স্কুল ব্যাগের ওজন নিয়ন্ত্রণের রাখতে সমস্ত রকম পদক্ষেপ গ্রহণের জন্য তাদের স্বীকৃত বিদ্যালয়গুলোকে পরামর্শ দেওয়া হয়েছে।

৩) কেন্দ্রীয় বিদ্যালয় সংস্থান তাদের বিদ্যালয়গুলোতে ডিজিটাল শিক্ষাপদ্ধতিকে উৎসাহ দেওয়া জন্য বেশ কিছু পদক্ষেপ গ্রহণ করেছে। এক্ষেত্রে সূচনা হিসেবে প্রাথমিকভাবে পঁচিশটি কেন্দ্রীয় বিদ্যালয়ের (প্রতিটি অঞ্চল থেকে একটি কেন্দ্রীয়বিদ্যালয়) অষ্টম শ্রেণীর ছাত্রছাত্রীদের ভালো মানের ট্যাবলেট ডিভাইস প্রদান করা হবে। ছাত্রছাত্রীদের পাশাপাশি তাদের শিক্ষক-শিক্ষিকারা অঙ্ক ও বিজ্ঞানের ক্ষেত্রেমূল দক্ষতার মানোন্নয়নে এই ট্যাবলেট ব্যবহার করবে।

৪) সুসংহত রাষ্ট্রীয় মাধ্যমিক শিক্ষা অভিযানের (আর.এম.এস.এ.) অঙ্গ হিসেবে তথ্যও যোগাযোগ প্রযুক্তির (আই.সি.টি.) অধীনে বিভিন্ন রাজ্য/কেন্দ্রশাসিত অঞ্চলে ২০১৭-১৮ সালে স্কুলগুলোর প্রশাসনিক/শিক্ষার কাজের জন্য সব মিলিয়ে ১৪৭০৪টি ট্যাবলেট-এর অনুমোদন দেওয়া হয়েছে।

এর পাশাপাশি বিভিন্ন রাজ্য সরকারও এক্ষেত্রে প্রশংসনীয় পদক্ষেপ গ্রহণ করেছে। যেমন:

*মহারাষ্ট্র ডিজিটাল স্কুলের সূচনা করেছে এবং পঞ্চাশ হাজারেরও বেশি স্কুলকেডিজিটাল শিক্ষায় উন্নীত করা হচ্ছে। এর মধ্যে রয়েছে মোবাইল অ্যাপ 'মিত্র'(MITRA)-এর মাধ্যমে অনলাইন গুণমান সম্পন্ন ডিজিটাল বিষয়সৃষ্টি।

*তামিলনাড়ুতে বইয়ের বোঝা কমানোর জন্য প্রতিটি স্কুলে প্রথম থেকে অষ্টম শ্রেণী পর্যন্ত ত্রৈমাসিক পদ্ধতি চালু করা হয়েছে। এই পদ্ধতিতে শুধুমাত্র ওই সময়কালের জন্য প্রয়োজনীয় বই যাতে ছাত্রছাত্রীরা বহন করে তা সুনিশ্চিত করা হয়। তা শারীরিকভাবে ছেলেমেয়েদের ওপর বইয়ের বোঝা উল্লেখযোগ্যভাবে কমিয়ে আনবে এবং ছোট্ট মন থেকে মানসিক ভয়ও সরিয়ে দেবে।

শিশুদের বিনামূল্যে ও বাধ্যতামূলক শিক্ষার অধিকার (আর.টি.ই.) আইন, ২০০৯ অনুসারে সব মরসুমের জন্য বিদ্যালয় ভবন এবং সমস্ত ছেলেমেয়েদের জন্য নিরাপদ ওপর্যাপ্ত পানীয় জলের সুবিধা সুনিশ্চিত করা হয়েছে। সমস্ত সরকারি ও বেসরকারি বিদ্যালয়গুলোতে যাতে এই আইন অনুযায়ী পানীয় জলের সুবন্দোবস্ত থাকে তা সুনিশ্চিতকরার জন্য সব রাজ্য ও কেন্দ্রশাসিত অঞ্চলকে নির্দেশ দেওয়া হয়েছে। রাজ্য সরকার ও কেন্দ্রশাসিত অঞ্চলের প্রশাসনকে সর্ব শিক্ষা অভিযানের (এস.এস.এ.) অধীনে প্রাইমারিও আপার প্রাইমারি স্কুলে পানীয় জলের সুবিধা সৃষ্টি সহ পরিকাঠামোগত উন্নয়ন ওসৃষ্টির জন্য সহায়তা করা হচ্ছে। রাজ্য সরকার, কেন্দ্রশাসিত অঞ্চলের প্রশাসন এবং স্থানীয় কর্তৃপক্ষ নিরাপদ পানীয় জলের বন্দোবস্ত সুনিশ্চিত করতে বিদ্যালয়গুলোতে রিভার্স অসমোসিস (ও.আর.) মেশিন বসাতে পারে। রাষ্ট্রীয় মাধ্যমিক শিক্ষা অভিযান(আর.এম.এস.এ.) প্রকল্পের অধীনে বর্তমানের এবং নতুন সরকারি মাধ্যমিক বিদ্যালয়ে পানীয় জলের সুবিধা সহ নানা ধরনের পরিকাঠামো প্রদান করা হচ্ছে। এই প্রকল্পে এখনপর্যন্ত ২৪৫৪৬টি মাধ্যমিক বিদ্যালয়ে পানীয় জলের সুবিধা তৈরি করে দেওয়ার বিষয়টি অনুমোদিত হয়েছে।

সি.বি.এস.ই.-এর পক্ষ থেকে সবার জন্য নিরাপদ পানীয় জলের পর্যাপ্ত সরবরাহ সুনিশ্চিত করতে এবং ছাত্রছাত্রীরা যাতে ভারি জলের বোতল বিদ্যালয়ে নিয়ে না আসে, তাতাদের বোঝাতে তাদের স্বীকৃত বিদ্যালয়গুলোকে নির্দেশ দেওয়া হয়েছে। তাছাড়া এই বিদ্যালয়ের ছাত্রছাত্রীদের বাড়তি খেলাধুলার পোশাক আনতে হয়না এবং সারাদিন তাদেরকে একটাই পরার জন্য অনুমতি দেওয়া হয়।

শিক্ষা হচ্ছে সংবিধানের যুগ্ম তালিকার একটি বিষয় এবং বেশিরভাগ বিদ্যালয় ইরাজ্যের এভিনিউর থাকায় স্কুল-ব্যাগের ওজন কমানোর জন্য সংশ্লিষ্ট রাজ্য/কেন্দ্রশাসিত অঞ্চলের সরকারেরই সঠিক পদক্ষেপ গ্রহণ করতে হবে।

সরকার কেন্দ্রীয় বিদ্যালয়ে ই-স্কুলিং এর জন্য কোনো নির্দেশ অথবা নিয়ম জারি করেনি বলেও জানান শ্রী উপেন্দ্র কুশওয়াহা।

(Release ID: 1497155) Visitor Counter : 2

Background release reference

বিভিন্ন সংস্থা ও প্রতিষ্ঠান এক্ষেত্রে যেসব উদ্যোগ গ্রহণ করেছে, মন্ত্রক সেগুলোরও সমন্বয় করেছে

